

BAKURUBASANNI


(nimmoré 12 songo)

Mali kono = Dōrōmē 300

Afiriki kono = Dōrōmē 600

Jamana wère = Dōrōmē 1000

Utikalo san 2004



Kunnafonisében bota kalo o kalo. BP: 24 Telefoni : 221-21-04. Bozola Bamako-Mali. San 32nan boko 391nan A songo : dōrōmē 15

Ni Ntōnkuluw ma kunben, tineni be ke damatème ye.


Mogow jan te ko la waati min, ntōnw kumbora Farafinna tilebinyanfan fe. O ye jorénnakoba ye sumanw seto in na.

Utikalo damine na, ntōnkulu jiginna Nuwakisoti n'o ye Moritani faaba ye. A kera dabalibanko ye sabula, u ni ntōnko ce tun be san 10 nōgōnna bō. Tilebinda mana se ntōnw b'u nōrō jiri furamanw ni sénéfénw na; u be si k'olu nimi. Dugu māna je, fan bée be ke jiri furantan ni sumanju kurunw ye. Moritani keñekayanfan fe, tamarosunw ka ca yen, ntōnw nawaati bennna tamarow setuma ma; u kera sababu ye ka tamarosun caman diyagoya yorōnin kelen wo.

San temenin in sanjiba min nana, o ye ntōn caya kosebe. Ntōn hake min tun be ye kōrōlen, o nōgōnna 5 fo 20 de be yen sisan. Ntōnko be Maroku ni Alizeri a ka ca ni san ye. Ntōnw bora Alizeri woroduguyanfan fe ka jigin Moritani cencenmayōrō kan keñeka fe, ka soro k'u kunda jamana woroduguyanfan kān.

Yorōnin kelen, ntōn ninnu ye Senegali ba kunnasago, ka n'u suuru Matamu, o dugu in ni Dakaro ce ye kilomètēre 700 ye. Zuluyekalo kōnōna na, sanji minnu nana, olu ye ntōn ninnu bugun kosebe.

Umaru Fali min yetakisibolila ye, oka fo la, ntōnw siratigewaati mana bén mōbiliw temetuma ma, u be n'u fara mōbiliw kunka bin fomōbilikōnōmōgōw be siran. Ntōnkulu mana teme i kunna fo dibi be don. Senekelaw b'a dōn ko ntōnko kō ye kōngō jugu ye. Amadu Jangi ye senekela ye ka bo Cankori, o y'a jira ko ntōnw firila olu ka forow kān sumanw falento. Nka, a kera



Ntōnw keléli ye ko gelenba ye, walasa an ka se u la fo bée ka wuli k'i jo

kunnadiya ye sabula cakeda min nesinnen don falenfénw lakanani ma, olu sera k'ufaga kasorou ma tineniba ke.

Ntōn kelélijekulu do sigira sen kan Matamu. Matamu marajemōgo Mamadu Musafa Ndawu y'o ntōnkéléjekulu konenabolā ye. Ale ka fo la, ntōn kōrōba minnu bōlen ye nin ye Moritani walima Maroku ka na yan, olub'a nini ka fanw deda kosebe sa ka teme dumuniba keli kan. Nka, hali o la mogow ma sigi u bolo ma. Cakeda min nesinnen don falenfénw

lakanani ma, olu bora ni mōbili 20 nōgōnna ye, sorodasiw ni dugumōgo tow farala u kan, duguje o duguje, ubé yaala ka forow laje, ntōnw mana ye yorō minnu na, u b'olu faga. Kérenkérénneny na, u ka ntōnfaawaati ye su dugutila temenin ko, k'a damine waati 2nan na ka se waati 4nan ma. Tile mana kōrōta u be ntōnfaw cili damine. Falenfénw lakana cakeda in ka fo la, ntōnw be kungokolon taari 50.000 min kōnō, u

ne 2

Ntōn keléli feérew

CMDT harni ye san temenin in soro nōgōnna ye kōri la
Minisirijemōgo ni kunnafonidilaw sigira ka kuma

Zeguwa ni Bila musow ye baara ke

Batakiw

Kalankene n°18nan

Sonkuntigi Sasi n'a tonogon dōw minena

Feérew bolodara Kidiwarikéle dabilali kama

Ateni ntolatan : Mali - Itali 0 - 1

KONKO

ne 2

ne 2

ne 4

ne 5

ne 6, 7

ne 8

ne 9

ne 10

ne 12

Kunnafoniw

Né fólo to

sera ka taari 20.000 ntónw faga fólo. Nka, u b'a geléya bagantigiw ma, pósóni fiyera kungokolon yoro minnu na, olu kana taa ni baganw ye yen. Ntónfaajékulu in jorelen don ntónw kana u bolo kéné ka firi forow kan. Ntónw kélélan minnu b'u bolo olu fanga ka dôgo. Ni ntónko in taara ke ko kuntaala janye a masiba b'e bonya. Mogo minnu b'e ntónko sidón kosebë, olu y'a jira ko nin ntónko tun b'e se ka bali ni jamana tun y'u fanga fara nögón kan k'ukélé kabini a ko damine. Jamana némogow ka kank'a faamuya, ni ntón kúnbora kaban a kélé man di. Jamana 9 ka bo Farafinna kénékayanfan n'a tilebinyanfan na, oluye laje döké zuluyekalo tile 27 san 2004 Alizeri faaba la. A kun tun ye ka feére siri ntónw yera kungokolon taari 2.400.000 min na k'o furaké. Okuuru la taari 1.400.000 b'e Moritani dugukolo kan.

Ntónw kélélikama, Espaniyese sawari miliyon 330 di Moritani ma, Faransi fana ye sefawari miliyon 165 di Senegali, Mali, Nizeri ani Moritani kelenna bée ma. O déme ninnu si ma se u seyoro la fólo, jamana bée b'a la ka ntónkélé in ke n'a seko ye kasoro ntón b'e ka caya ka taa a f'e. An b'e don min na sisan, ntónw sera Dakaro, Nizeri ani Mali la. Ntónw kólsira Mali yoro minnu na olu ye Moti, Gawo ani Kidali ye. Ntónw b'e se ka bugun fo ka kungokolon kilometré kare miliyon 28 labo, kabini díne bisimilayi, mogo b'e siran o masiba sugu ne. Ntónw b'e basigi saheli ni sahara jamana furance la ka tóro samiye f'e, okutoburukalon ni setanburukalo waati, u b'u kunda kénéka kan. San min mana diya u la, u b'e sebekoro caya. Ntón b'e dingé sen ni ka fan da a la. Fan dalin n'a tóro lice b'a ta tile 10 na ka se tile 15 ma. Fan mana tóro, ntón den b'e tile 30 nögónna soro yanni a ka kórbaya. Ntón kelen b'e se ka fan 100 fo 200 da sijé kelen.

Musa Gasama - Bubakari Sila
Dokala Yusufu Jara

Ntón kéléli feére



**Madamu Mariyamu Mahamati Nuri,
FAO némogó Mali la**

Bee b'a kalama bi, ntónw b'e jamana kono. U ka ca cogo min na, u b'e ka tijeni ke ten fana. N'i ye jamana tila 3 ye, ntónw ye 2 mine kaban. Ala ka an kisi ntónkongo ma. Mali dörön te. Nton ninnu wulila Farafinna kénékayanfan fe ka téme ALizeri ni Moritani fe, ka soro ka jensen Senegali, Burikina, Mali, Nizeri, Cadi Farafinna tilebinyanfanjamana caman kono. Fine mana wuli, bee bolo b'e i kunnaminen na. Kabini ntón donna Mali kono don min na, jamana némogow ma sigi, u ma ségen u ma jiné. Ntónw b'e kélé cogo min na, u b'e kélé ten. Nka ntónw kélé man di. U mana sigi yoro min na, u b'e jiri, bin ni sumanw dun tayi. N'u wulila ka taa, o b'a soro u ye fanw da yoro bée la. O fanw b'e tóro ntón kuluw werew la minnu ka ca ka téme kórolénw kan; olu fana b'e wuli ka taa yoro werew la, balonini na. Ntónw ka bugun, ka jamana bée labo, oyé yorónin kelenko ye; u wereli te kólokóoko ye. Jamanadenw ani goferenaman, bee lajelen b'e i seko la, nka kasaara in fanga ka bon, goferenaman yemiliyari 8 boloda a baara kama. An b'e don min na i ko bi, miliyari 1 de soro la fólo. O de koson, goferenaman ye wele bila Mali démebagaw n'a teriw ma, u k'an magen nafolo la, mincw na, ani mogo faamuyalenw na.

Zenerali Kafuguna Kone, mara ni sigida lakodónnenw minisiri, ale tun b'e ka Mali ni jamana werew ce kórew jénaboli minisiri joyoro fa, ani sene minisiri, Seyidu Tarawele, olu jéra ka

an démebagaw bisimila.

A barika tulo ka mèenni na, sanni ne K'a ye, bawo an démebagaw ye miliyari 2 kofogoférenaman ye, nka o ma soro fólo. O déme in béná fara Alizerijamana, maroku, lamerikenw, díne jamana yéremahoronyalenw ka tónba bolofaraw, ani «Kérimali» (Care Mali) taw kan. Miliyari 8 ni kó béná ke ka ntónw kélé, u ye tijeni minnu ke, k'olu no ladilan : ntónfanw b'e tijé sanni u ka tóro; ntónkunaw b'e faga sanni u ka pan; ntón kórbaw b'e silatunu sanni, a ko ka ke tége-t'aben ye. Cakéda minnu ka baara ye ntónfaga ye, olu ka baarakelaw bolen kó yen, laramé (sorodasi, garadi, polosi, Zandarama), o mogo 580 b'e wele kéné kan. An ka sigidaw la, mogo 15.000 b'e ta, k'ukalan ntónfaga la; ka Alizeri ntónfagalaw fara olu kan. O kofe, pankurun fila béná jini, olu b'e wuli ntónw fe, ka furajiw ni sisi fiyé u kan. Ntónw b'e faga ni furamugu ni furaji minnu ye, olu tóni caman b'e san. Ntónw b'e faga ni minen minnu ye, olu fana b'o cogo la.

Waati ka gelén o ye tijé ye, nka an jigi ka ni. A no gonin na, Mariyamu Mahamati Nuri, n'o ye FAO ka lasigiden ye an ka jamana kono (dine tónba bolofara min nesinen b'e sene yiriwali ma), o y'a jira ko dolariwári miliyari 7,5 béná di Moritani, Senegali, Nizeri ani Mali ma tón in fe ntónw, kélélikama, o b'e ben sefawari miliyari 4 ni kó ma. A ka ca a la, laben werew b'e sen na tón in fe, n'olu sabatira, sahelijamana ninnu béná sefawari miliyari 11 fana soro, ka bo tón kelen in yoro halibi. O déme minnu bora FAO yoro, n'u béná tila' jamana damado ni nögónce, Mali ka soro ta b'e ben miliyari 3 nögónna ma. A no gonin na, lamerikenw (US AID) ka déme folow témenen kó, u ye sefawari miliyon 500 boloda tuguni Mali ye. Jamana min b'e wele Peyiba, n'o ye Holandiye, ofana ye sefawari miliyon 282 ani ba 500 labila goferenaman ye ntónw kéléli kama.

Qaniya numan bora fan bée ka nesin Mali ma ntón kéléli kama. Ni Ala'y'an déme, kasaara in béná dan sira la.

Mahamadu Konta

CMDT hami ye san temenin in soro noggonna ye koori la

Segu, Gaburyeli Sise togplayoro la, Mali koorisene nemogow n'u demejogon tubabuw ye laje ke san 2003 - 2004 koori sannifeere cogoya ani ninan koorko lahalayaw kan.

Laje in kuntaala ye tile 2 soro. Tonni 620.665 min sorola koori koloma na san 2003 - 2004 na, o ye Mali bila joyoro fole la Farafinna. Izini minnu be Mali la yan olutena se k'o bee kolo bo. «CMDT» baarakelaw ni dugu senekelaw jera ka kooriw pese, koori numan kilo 1 sanna doreme 40 kasoro salon ta sanna doreme 36. Walassa koori numan ka soro, «CMDT» nemogow ni senekelaw anisendikaw jera ka kuma koori ladoncogo kan. O la, senekelaw ka koori songo sirila u ka koori suguya sorolen na. Senekelaw kannajuru

fanba ye do farala u ka juru koro minnu sarawaati kan. Ko no te, yoro bee la, san 2003 - 2004 juruw la, kemesarada la 98 sorola olula. Geleya minnu kolsira 2003 - 2004 kanpani na olu ye : koori min sorola o ka ca iziniwka kolobota ma, mansiw cogoya man ni kosebe, fen minnu be taa koorisene dafe olu te laboli ke, minnin min be di sani u k'o ke ka koori baara, u b'o jesin sumanw ma. Baara min bolodalen sisani de ye koori bee ka ta senekelaw bolo kabini okuboburukalo la san 2004, o la, jatemine bema ke kooritonyoro lasorocogo la.

Segu laje in senfe, lahalaya do dira 2003-2005 kanpani kan; waricaman be se ka don koori la cogo min na ka teme san tow kan. Jekafola, ben kera

a kan ko koori numan kilo 1 bema san doreme 42 sabula do farala angere ni posoni songo kan.

Jinan kanpani b'a to san 2005 - 2006 koorisni min be ben toni 24.420 ma o ka soro.

«CMDT» be koorko kofo, nka, sumankofana b'a la. Sanoni keninge ani kaba san 2003 - 2004 konona na, olu toni 1.301.272 ka kan ka soro. Usumani Amiyon Gindo min ye «CMDT» nemogokura ye, oy'a jira ko feere kura minnu be senna sisan o b'a to san temenin in koori noggonna ka soro.

A b'a jini koorisnenaw fe u ka to kan kelen kan sabula, koorisene nafa ka bon kosebe faso nafoloko la.

Amagire Ogobara Dolo
Dokala Yusufu Jara

Bugunin : Nanandugu bibili labilala

Nanandugu ye bibili soro sa

Nanandugu ni Garalon ce ye kilometere 20 ye, a be Garalon komini na Bugunin mara la. Nanandugukaw fana be se k'a fo sa, tabarikala, k'a sabu ke, bibili min n'u b'a nfe a be san 10 bo, u tege dara o kan. Mali jamanakuntigi Amadu Tumani Ture y'a kurunbokari arabadon, utikalo tile 11, san 2004. Waleya indiya kojugu uye, k'adamine nanandugu, ka na Garalon, Bugunin ani dugu fen o fen be banimoce lamini na, bee bora k'u ka nisondiya jira jamanakuntigi la. Jama caya kojugu jamanakuntigi ma se k'a ka baara bolodalen bee nesoro ka ben n'u waati fole ye. Sanji missennin tun be a don nka, o ma jama boli bali. Bibili in jora Degu kunna, o ye ba ye

min be bo Kidiwari ka na Nanandugu lamini ka segin ka taa suuru Bawule kono kilometere 15 noggonna Nanandugu kofe. Dugu 15 minnu b'o koori kono, olu tun te lasoro fo i ka taa bo Kidiwarijamana fe. Sirantanya fe tindimite caman ntanyana k'a sababu ke dogotoro so

lasorobaliya ye. Woso, jiriden, furakenedunta ani sumanwtobilayen, mogo ja farin minnu tun b'u ke Degu kan k'u be taa u mako jenabu bako, woyotaara n'ocamanye. Sandowla, dugu tun be je ka sen dilan Degu kunna k'u ka taakaseginw noggoya, nka, ji tun be teme ni nin bee ye.

Bibili kura min jolen ye nin ye beton na, a kuntaala ye metere 76 ye, a fiye ye metere 6 ye. Miliyon 715 donna a baaraw dafe. Nanandugu dugutigi, Balan Sidibe ye mankalan 1 ani finimugu ni Amadu Tumani Ture la ladiyalifen ye.

Baarakeminew ani bolifenkow minisiri Abudulayi Koyita y'a jira ko san were, u bema sira dilan ka teme bibili in fe min kuntaala be se kjometere 35 noggonna ma. Sira in be damine Garalon ka taa a bila Solabugu. Minisiri ka fola, nin bibili in ye ko damine ye. Yanni kalo damado ce Bamako - Bugunin siraba kurayali baaraw be damine. Zancebugu - Kolonjeba siraba ka taa a bila Kidiwari dance la, o baaraw jatemine be sen na ka fara Bugunin - Yanfolila - Kalana sira kan.

Solomani Dunbiya
Dokala Yusufu Jara

Bugunin - Sikaso siraba bema lafere

Bankin min jesinnen don Farafinna tilebinyanfan yiriwali ma n'o ye «BOAD» ye, taratadon, utikalo tile 17, san 2004, Mali nafoloko minisiriso la, o y'a bolono bila sefawari miliyari 7 ani miliyon 600 juru donni na Mali la. Wari in bema don siraba 2 dilanni dafe : fole, barasi min be Senegali ba kan n'o ye. Jama barasi ye, ka sira numan bo k'o lasoroli noggoya. Filanan, ka Bugunin - Sikaso siraba lafere k'a dilan ka ne. Bugunin ni Sikaso ce siraba in musaka ka kan ka ben sefawari miliyari 26 ani miliyon 800 ma. Jama barasi sira musaka ye sefawari miliyari 2 ani miliyon 900 ye. Dugu minnu be Senegali ba fan fila fe, a bema olu bo sirabantanya na.

Sidi Konate Dokala Yusufu Jara

Minisirijemogo ni kunnafonidilaw sigira ka kuma

Minisirijemogo Usumani Isufi Mayiga sigira goferenaman nemogoya la Awirikalo, tile 29, san 2004. A ka goferenaman ye tile kemé soro. O ye laada ye demokarasi jamanaw kono, ni goferenaman sigira ka tile kemé ke, kunnafonidilaw ni minisirijemogo be sigi baro la, ka baara taabolow laje, ka nefoliw ke jamanadenw ye. O hukumu kono, ORTM ye baro laben karidon, utikalo tile 8 sufé, min latemena arajonjabaraninna. ORTM kunnafonidilaw, ka fara kenyereye kunnafodila damado kan, olu jera ka nininkaliw ke minisirijemogo la jamana kunkankow kan. Kuma nemajoli an'a latemeni baro senfe, o nemogoya tun be an balimamuso Fatimu Sidibe bolo, ka bo ORTM na. Kabini baro damine na, minisirijemogo y'a pereperelatige, k'a jeya bee ma, k'a fo, ale nakun ye ka peresidan Amadu Tumani Ture deme a ka se k'a ka layiduw tiime jamanadenw ye. Jamanakuntigi ye layidu minnu ta, fanganini waatiw la, o dow tun ye, nogaoya donni ye dijenatige temecogow la jamanadenw bolo : baloko la, kenyako, kalanko, siyoreko, Sirabako, ani do werew, fo ka se kur'an, ji ani telefonikow ma. Kunnafonidilaw ye nininkaliw ke minisirijemogo la ka nesin nin dakun ninnu bee ma.

Minisirijemogo ma noga to fosi la. A donnen don ni min ye, n'o yetijefoye, baara numanke, ani tilennenya, a y'o jira. Bakurubafo la nininkali minnu kera minisirijemogo la sene nasiraw la, ani soro yiriwalisira dowkan, an'olu jaabiw, an be do seben olu kan : Kunnafonidilaw y'a jira, ko munna a be fo sene ye jamana ntuloma ye, ka soro senekelaw deselen be k'u yere balo? Mogo minnu ma se u ka balo koro, k'a fo olu ye, k'u ye faso jigi ye baloko la, halin iyelekokuma t'o ye, a be mogo kabakoya. Minisirijemogo y'a jira ko wajibi don a ka fo sene,



*Minisirijemogo seginna a kan kale
n'a ka goferenaman bëna here nini
malidenw ye.*

baganmara, ani monni ye jamana jigi ye, o ye Ala yere ka baara ye, bawo Ala ye dugu koloba di an ma, a ye ba ni ko caman di an ma. O kofe, n'i ye jamanadenw sigi kemé-kemé, i b'a soro 80 noggonna sigilen be sene kan. A ka kan, goferenaman k'a sinsin sene kan, ka da nin yorow kan walasa dunkafa be sabati. San duuru baara bolodalen in kono, goferenaman bëna taari 50.000 laben ofisidinizeri kono. An be don min na i ko bi, taari 23.000 labenna kaban. A to be labaara yanni san 2007 ce. Taari kelen labenni be se miliyon 2 fo 6 ma.

Kunnafodilaw y'a jira, ko n'i ye ofisi n'a gelyaw laje, san o san kura be fara korelen kan. O be Mali ka dese jira, o b'a jira, ko baara minnu kera, feere minnu tigera, o si ma ke sababa ye. Minisirijemogo ma son o kuma ma. A y'a jira ko Ofisi jigi ka ni, a nafa ka bon, gelya ninnu bëna teme don do la, bawo Mali kelen tene nafolo don cakeda in dafe bilen, jamana werew, jekuluw, ani tonba minnu be dije kono, olu bëna fara an kan ka ofisi ke Farafinna jigineba ye. O hukumu kono, taari 100.000 bëna di Saheli ni Saharajamanaw ma, ofisi

kono, sene yiriwali kama.

Minisiriso damadow be yen, sigida lakanani minisiriso, cikeduguw yiriwali minisiriso, sene, baganmara animonni minisiriso, olu bee lajelen ka baaraw nesinnen be cikeduguw ma. O b'a jira ko sene bolen ko yen, baganmara ni monni fana ye jamana sinsinberew ye. O misali do ye, poroze belebele sigili ye sen kan Gawo, baganmara yiriwali kama, min musaka be se miliyari 15 ma.

Halibi sene nasiraw la, minisirijemogo kumana koorko kan. A y'a jira ko goferenaman ye cikelaw ka koori bee san, obenna miliyari 120 ma sefawari la. Nka koori feerewaati y'a soro a songo binnien don dije kono, o kera bonoba ye Mali ma. Fen min ka di an na, koorkola, o ye iziniw joli ye, minnu be se ka an ka kooriw labaara an fe yan. CMDT nemogya kura sigili, minisirijemogo da sera o fana ma. Yelema donna CMDT nemogoya la, ka cakeda in baarakela dota, okun ye taamasen kura ka nini, soro ka yiriwa ka taa a fe.

Minisirijemogo da sera Sanuko ma. Sanu feerelen ye miliyari 44 don Mali kun san 2003, ninan ta be se miliyari 53 ma.

Sirabako lahalayaw la, Gwo - Ansongo - Labezanga, kilometere 205 baaraw bëna damine, a musaka be ben miliyari 30 ma. Gwo - Buremu siraba; Nonon - Nara siraba; Nonon Banamba siraba, Jijenin - Nara siraba, Ayuni - Eli Aturus - Goki siraba, ninnu bee bëna dilan hali a tene meen.

Minisirijemogo ye kunnafonidilaw ka nininkali bee jaabi kasoro a ma dimi. Nininkali dow kera a la hali a yere ka maaya taabolow kan nka a ma dusu. Tile kemé baara, ofesefeseli ka gelen goferenaman ka nemaya kono. Minisirijemogo kono y'a sinsin yoro min kan, o ye tijen ka fo, baara ka ke, jamana ka taa ne.

Mahamadu Konta

Zeguwa ni Bila musow ye baara ke

Farafinna musow togoladon ye Zuluyekalo tile 31 ye. San o san, o don in mana se, musow b'u fanga fara n'ogon kan, ka labenw ke, minnu b'a to jamanaden bee lajelen hakili be da u kunkow n'enaboli kan. Ninan, Farafinna musow y'u ka donba in nesin muso k'ono, jubatow denyerenniw ani denmisenniw ka kasaaraw keleli ma. Farafinna k'ono, a jirala k'a fo, ko san o san, muso hake min be to musokel la, ani denmisennin hake min be sa kasoru ma bo u yere la, o ka ca fo ka damatem. Geleya o geleya be muso ni den soro, o be cew soro, o be jamana bee soro. Musow ka nin hakillila benna jamanaden ma, sango jamana n'emogow; olu farala musow kan ka donba in sankorota, ka labenw sabati. Mali fan tan ni naani k'ono, n'enajew k'era, kunnafonidiw, tonsigw ani kalanw, donba in hukumu k'ono. Mali goferenaman, demedonjekuluw ani tonba minnu sigilen be dije k'ono keneyako, ladamu ani musow ka hadamadenya sabatili kama, olu bee y'ujeniyoro fin, ka demew ke, ka nesin musow n'u denw ma.

Nka, mog'o demebaga folo y'i yere ye. Zeguwa musow, Sikaso mara la ani Bila musow, ka bo Segu mara la, olu y'o faamuya.

K'a ta san 2002 la, fo sisan, Ala barika la, Zeguwa k'ono, musow ni denmisennin ka kasaara dogoyara. Ni kuma diyara an da, an be se k'a fo ko a san fila ye nin ye, musokel ma. Ke muso si sata ye Zeguwa, denmisennin fosi fana ma kasaara soro.

Bila musow y'u nesin sinji nafa nefoli ma denmisennin ka n'enamaya la. Kunnafonidiw ani kalanw senfe, u benna a kan, k'u denw labalo sinji dama na, fo ka taa se u daboli ma. Kunnafonidilaw k'era nin dugu fila musow ka waleyaw seerew ye. U taara u ne da Zeguwa ni Bila musow ka baaraw kan keneya nasiraw la, walasa u ka se u lakalicogo juman na. O k'era n'enajew senfe minnu labenna muso, den, ani denbaya yiriwali minisiriso fe ani (UNICEF), o yetonba ye min sigikun ye denmisenni ka n'enamaya sabatili ye dije k'ono. Zeguwa musow ye mun ni mun ke,

muso ni den ka kasaaraw keleli la. Zeguwa sigilen be Mali, Burikina, ani Kodiwari dancew la; mog'o 22.023 b'a k'ono. A dogotoroba ye Yaya Kulubali ye. O y'a jira ko waatiw k'era a la, Zeguwa musow tun te dogotoroso matarafa fiyewu, hali bolociseben tali se tun te dow ye. Nka bi Ala ni Lamerikenw ka cakeda min be wele «lafiya» ninini kelekcew (corps de la paix), faamuya caman soro la Zeguwa musow fe. U ye yereyiriwa farida. Ohukumu k'ono, keneya sigida 9 minnu be Zeguwa komini k'ono, olu musow ye ton caman sigi keneya sabatili kama. Mariyamu Watara ye animateri ye Katele, Zeguwa komini na. Ale y'a jira ko folo, musow tun mana wari minnu soro u ka senefenw na, o fanba tun be don n'enajew labenni dafe, ani finiw sanni. U tun te se hali ka bolociseben dama san u yere ye. Nka Katele k'ono bi, Ala li keneya tigilamogow ka cesiri, musow jera k'u ka wariw don ko n'enamaw dafe, ni n'a fo keneyakow. Katele musow ye keneya foro bin, o be wari lase u ma. O kofe, u ka cew jere ka kem'e-kem'e fara n'ogon kan, k'o bila waribon na u ye. Sisan, dugu in k'ono, musokonoma ka dogotorosolataa, a jiginni a furakeli ni den furakeli, nin bee musaka be bo musow ka wari maralenw na. Muso te se k'a fo bilen ko sete ny'e, n'te taa dogotoroso la. N'i be keneyatona, i be furakel fu, bawo ton b'ijo ni wari sarali ye. Musow ka ni baara ninnu nena kosebe Zeguwa komini na, fo mogow wulila jamana werew la ka na uladege, k'uk'e misaliw Farafinna k'ono.

Bila Komini musow ka baara sinsinna sinji nafa nefoli kan, k'a nini musow fe u k'u denw labolo sinji la kudayi, fo ka taa se u dabolima. Sinji be den lakana bana caman ma. A be den mocogo ne, bawo witamini suguya bee b'a la, minnu be joli saniya, ka fasa ni buw sinsin, ka kolow seme don, ani ka hakili diya. Kunnafonidiw k'era Bila musow ye ni (UNICEF) ka deme ye; o y'a to ni muso bee lajelen sera ka faamuyaw soro, ka jen ni sinji doron dili ye deiw ma. Nono ni biberon, a jirala k'a fo k'olu nafa ka doko denw kan; U be se ka ke sababu ye ka den farikolo labila bana suguya caman

ye. Nono be se yere ka den ka hadamadenya don bog'o la n'a dilancogo man ne.

An be se k'a fo, ko Zeguwa ni Bila musow ka seli ma ke don ni tegere dama ye. U ye walew ke jamana be se ka wasa ni minnu ye, Farafinna musow ka donba seli hukumu k'ono.

Dusu Jire
Mahamadu Konta

Sinji nafa

Dinetonba min nesinnen don denmisenni ma, kabini utikalo tile 1 san 2004, o ye dogokun laje doke sinji nafa nefoli kan denw ka baloko la. Ni muso caman sera ka u denw to sin na fo ka kalo 6 soro, o be ke sababu ye ka sinmenden miliyon 1 ani ba 300 ni kisi ninan. O la, «UNICEF» b'a nini dije muso bee lajelen fe u k'u cesiri sin dili la denw ma. Sanosan den miliyon 10 be sa banaw fe, an be se ka minnu kurnben i n'a fo k'ono boli, sog'o-sog'o, nonin ani sumaya.

SIDA «ONU sida» ka laseli la, sida de ka jugu musow ma ni cew ye Farafinna. Muso sidato ani sida banakise be min fari la, o ka ca kosebe wa olu fana de ye du sidabanabaatow ladonbagaw ye. Sahara worodugyanfan ta be mog'o kabakoya, n'i ye mogokoroba sidato kemesarada da 57 ye musow ye, n'i ye denmisenni sidato fana kemesarada, 75 ye sunkurunniw ye. Kasor'on'iye jate mine ke sidako sidon waati san 1980, ce sidato tun ka ca kosebe ni muso sidato ye.

Dokala Yusufu Jara

Irisijamana sigaretko

Jekulu min nesinnen don keneyako ma Irisijamana na o n'emog'o Andere Demine y'a jira, ko mog'o n'enatige tilance bee be sigareti min Irisila. Kemesarada la, ce 70 b'a min ani muso 30. Dije don o don, mog'o 2500 min be sa Irisila, 700 sababu be bo sigareti la. Wari min be don sigareti la san k'ono, o b'a ta sefawari miliyari 2.200 la ka se fo miliyari 4.400 ma. O ka ca ni furasongo n'ogon fila ye san k'ono Irisijamana na.

Dokala Yusufu Jara

Batakiw

Poyi : Danbe

Danbe ye fənba ye.

Wari t'a soro,
sanu t'a soro.

N'a tilalā i la siñe
kelen,

N'i m'i jija, i ka
genni t'a soro
tuguni.

Mun y'i bila
kəbalike ni
yebalifo la.

I danbe bə minni?

Faso danbe bə minni?

Kalan te mögo danbe tila i la,
Warinini te mögo danbe tila i la,
Yerədənbaliya de bə mögo danbetunu
i la.


Hadamadenya ye miiri ye.

N'o y'i je kaban, i kera bagan ye.

Djəlatige ye siñe kelen ye.

Kewale ni danna ya de bə danbe ségin.
N'i ninena i jujon ko, i labanko b'i jore.

Isa Jalo Animateri don
ka bo Kodugu,
Dugabugu komini na Kati



Isa Jalo.

Motokasaara cayara Zan Kulubali komini kōno

Korokoro-Dangado min bə
Marakakungo komini na,
samiye baaraw b'u tan ni fila fili la :
njudon, kərsijeni ani kōri fura ke.
Kōri dōw yere ye furakeliko fila soro
kaban. Samiye taacogoko ka ni kosebē,
nka, kəlsili la, cikelaw ka kōriforow
ka bon ka teme nōforow kan; k'a
sababu ke motobako nata ye. Sisan,
togodaw la, motobako kelen bə jihadi
ye sənekəlaw bolo. Mögo caman b'u
fiye ka teme n'a ye kasoro u t'a
kunnajocogo dən.

Ne yere kōrəmuso tun nana a nəda an
na, o n'a denke segintə moto la, u ni
mototigi wəre ye nōgon tan. A kasara
juguyara, ne kōrəmuso kininnen ye
su kelen ni tile kelen ke Marakakungo
dəgətərəsəla. Ne b'a nini motobolilaw
fe, u k'u hakili sigi motoboli fe. Dōw
yere bə bo karbin kasoro u ni mögo

were ma se nōgon ma. N'i ye mototigi
nato ye, sira bila a ka teme, o de ka
fisa a' fila bəs ma. Marakakungo,
moto bə boli sugu fan bəs fe; ni məri
ma dabilacogo nini q la, sugujola sen
mana kari, o y'a ka san tijenēn ye.
Mototigi ye Bamako sugujomuso
denbatigi də tantaratadon zuluyekalo
tile 20 san 2004 Marakakungo sugu
la; fo dəgətərəsəlataa bora a la.

Lankile Solomani Kulubali
Ka bo Korokoro-Dangado,
Zan Kulubali Komini na, Joyila

Yerəmakaran kəlew Farafinna

Farafinna bilama ye haminankoba
ye, sabula, jamana ka dəgo a la bi
fadenyakəle te min kōno. A fəra
Farafinjamanaw ka fara nōgon kan ka
ke jamanaba kelen ye. Nka, halisa o
selen te ka waleyə fəlo. Kəlsili la,
kelekuntigi ninnu bəs ye mögo
kalannenbaw ye, o yere de ye a mögo
kōnəfiliyəro ye.

Sanga ni waati, u bə kəle la u kelen pe
niyərənəfə, n'olu kera jamanakuntigiw
ye, u təna se ka basigi ani yiriwali
sabati jamana kōno. Mögo min ma ko
wəre nədən mögəfaga ko, o
jamanakuntigilama təna se ka səbeko
ke. A ka ca a la, kəlemasa kōro
jamanakuntigilama, o ka
yerəmakaran b'a bali ka jamana jo.
An ka je ka dugawu don nōgon ye, Ala
ka Malito an sagola, k'an bo san boda
numan fe. O san boda numan də ye
samiye duman ye. Ninan samiye
damine geləyara dəonin, sanjinanenw
ma caya wa sannafurancəw fana
janyana nōgon na.

O kera sababu ye ka danni kuntaala
janya. Nōgoya b'a la ka don a ko la;
sanji nacogo ka ni fəlo. O bə ka
bagandumniko jiidi, furaw nugulen,
bin kene səbeko cayara. Ji fana bə
kōw kōno fan caman fe. An bə waati
min na sisan, baganbanā ma kəlsi
fəlo.

Amadi Aturu Boli ka bo Danbana,
Kəfəba komini na Kita mara la.

Poyi : Kelenya

kelenya in cogo bə di!

Anw ka bəejefanga kera
niyərəninitile ye

Bəs ko n yere

N yere halala

N kelen pe niyərə

Niyərə ka soro dərən

A niniko jugu fara a niniko numan
kan

A mana diya faso ka firi

A mana diya faso ka ci

Forobədoni tabaa ye naloma ye
Faso ye joni kelen ta ye?

kelenya in cogo bə di?

Bəs ko n ta

Faso tınetabaaw kera a juguw ye
Joni bəna ne bo nōgo la

Sumaya bə n kan. Sida nana ta ke
degun kan

Bana kəleli kera san kōno don
kerənkerənnən kundoni ye.

N'olu temena kaban bəs b'i ba bolo

Forobahəre ninibaaw banna

Faso togolakuma fəbaa caman kera
niyərənininaw ye

Təgələnkəlonw kera yelənyələnnən
ye yerətəpiñinaw fe.

Boli man jugu, kəfilebaliya de ka
jugu.

Kəfileli kera anw tana ye.

I təna se ka boli cə min ko, kana
bolifana dun k'a to.

An si te kisi faso ko, an si te kisi si
ko.

Ibarahima Da Mənzən Jara
Animateri don Cikəlaw ka Arajo la,
Bamako

Musow ka bəgədən

Nin ye ləadilikan ye ka nəsin
togodalamusow ma. N'i ye
togodalamusow kəmesara da, i b'a
soro muso 10 bə bəgədən. San kōno,
bəgədən be kasara min lase musow
ma, o de ka ca ni ba n'a si ye.
Musokərəba ni muso misənnin, ni min
te bəgəkurunin nimi, o ka balo fanba
bəs ye fən nōgəlenw ye.
Dugubakənəmusow yere sen be
bəgədən na. Musow ! a' k'a dən
bəgədənbana fura te dəgətərə bolo.

Faraban Balo Animateri don
ka bo Fuladugu - Kətuba,
Sebeko Komini na Kita

Dogofiri merisigi

Modibo Kibiri sigira mériya la sibiridou zulyekalo tile 10 san 2004. O don kéra nénajéba ye Dogofiri n'a lamini duguw bolo. Merisigi in hukumu kóno, maaba caman tun be kéné kan : Dogofiri komini dugutigui, diinéñemogow ani goferenaman ka cidenw.

Modibo Kibiri min sigira Dogofiri komini mériya la, a boudugu yére ye Jenekura k21 ye. A ka baara ye séné ye, a ye kalan suguya min ke o ye balikukan ye. Modibo Kibiri tun be k21 awe peresidanya na waati min na, a ka tilennenya y'a to o awe in ka sèbekòra yiriwa. A delila ka cikela ñanaw-ka medayi soro. A kéra delege ye Ofisi komite pariteréri kóno sénékélaw togo la.

Nin si la, minen da ma jengé a bolo, sanko k'a kónofén bón. O de koson sibiridou in ma dogo Dogofiri n'a siginogonduguw la.

Nin don in, Modibo Kibiri ye foli ni tanuni ke Dogofiri komini ce ni muso, denmisén ni mògokòroba bëe la, u ye dannaya min da ale kan. A y'a jira ko ale bëe fén min kanu a yére ye, a bën'o fana kanu komini in den bëe ye. Komini te se ka taa je komini denw ka césiri kó; n'an jéra k'an fanga fara nögón kan, min mana bō o la o na ke an bëe jéna. Fén minnu b'an fe yan n'olu ye séné, kalan, baganmara, mònni ani kénéyakow ye, n'an bëe y'an seko jira olu la, a dō la, netaa bëe sabati. O kofé Dogofiri méri kóro n'o ye Kalifa Kulubali ye ka bō Marakala kura, o ye kuma ta. A ko n'i ye Ñonon mara komini 18 bëe jate miné, Dogofiri komini de bëe jöyçro 3nan na. O sorola komini kónomogow ka césiri fe. A ko a dalen b'a la Dogofiri tenu segin ko k'a sababu ke u ka némogow sugandicogo ye. Kalifa Kulubali k'ale yére ka dannaya be Modibo Kibiri n'a ka kónseyew kan. Olu körolenw ni kuraw bëe sago ye komini netaa ye. Nénajékelaw ye surakadonsen do

ta, Kalifa Kulubali y'i sèbekòra yuguba fo ka jama kirin nisondiya bolo.

Dugutigui ka dannatigeli kéra Siyaka Balo fe ka bō Péken, Kaban kura la. Dugawuw kónona na, Siyaka y'a jini Ala ka barika don balikukan na. Ni bén ni tilennenya be soro yiriwa, anw ka komini b'o sira fe.

Silamediine némogó n'o ye Manzuru Jara ye ale ni keretiñediine némogó Benzamen Gindo, olu fana ye dugawu ke sabali ani kotoñogontala la komini kóno.

Kolónw ka cèkoroba Usumani Ture y'a jira ko politikiton te siyako ye, kabilako fana te, a ko nikanu don. O la, o y'a jini Ala ka faamuyako numan di sénékélaw bëe ma.

Dozonkóninfawani nónónkaw ka Malobali Tarawele tun wasa donnent be jama nénajeli la.

Ibarahima Baba Jara Animateri don ka bō, Dogofiri komini na

Nosénenaw fana ka kan ni déme ye

Némogow sigi n'u jo, u ko sénékélaw ka déme. Sénékélaw ye kulu 3 ye : koorisénena, malosénena ani nosénenena.

An y'a kolosi déme nésinnen don koorisénenaw ni malosénenaw de má kosebe. Nosénenaw olu kelen don bolokofefen ye.

Déme min be ke koorisénenaw ni malosénenaw ye n'o nögónna be ke nosénenaw ye, dunkafa be sabati jamana fan bëe fe. N'a fóra san o san, e ka yorónin kelen séné, nögöt'e bolo, suman nafama te se ka soro o la.

Némogow k'a laje, nosénenaw fana ka kan ni déme ye ten sa, walasa dunkafa min be kofé sanga ni waati, o ka sabati.

Basumana Tarawele animateri don ka bō Denenba, Ñamina komini na Kulukoro

Sénékélaw ye pösöni sidonbali san

Géleya do ye Fana sénékélaw soro ninan, ne b'a jini némogow fe u k'u hakili to o la. Binfagalal desera koorisénenawna. N'itun sera Toguna ka magasanw na Fana, i tun be se ka mogo 100 fo 150 jate, bëe tun nakun tun ye binfagalankoye. Obifagalal in be wele «gala supéri». Mogo jiginna ka taa a jini suguw la. O kéra sababu ye sénékélaw ka taa pösöni sidonbaliw san u yére ma. Pösöni in ye koorisunw faga, dòw ka ninan koorisene bëna k'u bolo fu ye. A be jini «CMDT» fe, a k'a géleya ka furaw lase sénékélaw ma a tuma na.

Nankile Solomani Kulubali ka bō Korokoro-Dangado, Zan Kulubali, Joyila

Poyi : Dununya

Aa! dunuya ye kónonafiliso ye.
N'i y'i sigi ka dunuya laje,
I be hamí to saya
kanu be don i la dunuyasigi ye.
Bawo n'i ye koorisene ta k'a laje,
Ni Ala ye lasigidé jugu
sigi i kunna,

N'i y'o gen k'o ka jugun,
Min be sigi o no na, o be juguya ni fôlo ye.


N'i y'i ka dugu awe sèbennikela
gen k'o ye tonwari yurugu-yurugu,
I mana kura min sigi o no na n'o ye
sanni ke kaban,

Koori wari nana hali o te se ka tila.
N'i y'i ka komini méri lawuli k'o
haju te komini na,

I mana kala ta min ye n'o sigira o
be nine a sigikun kó.

N'i y'i miiri kalata nege be bō i la.
Bawo, nafa t'a la,
K'a sababu ke i mana min ka kala ta,

N'o kéra depite walima peresidan
ye, o be nine i kó,
Fo jamana weré yélémani dusu be
jigin i kóno.



Bakari Do Danbelé

Bakari Do Danbelé ka bō
Nantansonin na, Kobiri Komini na
Kita

Seko ni dɔ̄nko

Kalankense n° 19-nan

Nin sen in na, an bε kuma kanfilajekalan kalasen do kan, n'o ye Jirali ni foli feerew farikolo fε ye. O kalansen in be laben cogoya min na, an bε misali kelen di o kan. O misali in bora Karamogodegeseben kono, min labenna ninini ni degeli bolofara fε, Segu mara kalan nemogoso la, san 1999.

«Kalansen: Jiralinifolifeerewfarikolo fε.

Kunw : Nisondiya - kunkololadilanni Taasira :

- Karamogo nisondiyabagato b'a nini kalandenw fε, u k'u yere bila cogoya la u be lafiya cogoya min na k'u miiri folisen senkoro.
- A be folisen sumanen do bila a la, kalandenw be lamenni ke. Okuntaala ka kan ka se sanga 3 walima 5 ma.
- Kalandenw b'u kurukunw lasama doonin doonin cogoya saba la (duguma, hakelama, sanfe).
- Karamogo be tila ka folisen bila a la (yoro doonin dama de be fε) ka soro k'a nini kalandenw fε, u miirla fε min na folisen in senkoro, u k'o nefo.
- Karamogo ka kanka kɔlosili ke walasa ka kalandenw ka fotaw lawoloma ka ne.
- A be tila k'a nini kalandenw fε, u k'u yere bila masabolo dilannen ninnu mogow no na.

Kɔlosili: - Nin baara in man kan ka ke ko sennateli ye. Dɔnkili man kan ka ye folisen in na walima a ka ke folisen ye min ye dunan ye kalandenw ma.» Nin kalansen in kono, n'an ye jatemine ke, an b'a ye, lanini fila be karamogo la ka jesin kalandenw ma :

Folɔ, a b'a fε kalan ka ke nisondiya ni farifoni kono. Nin yoro be kanfilajekalan ni kalan kecogo kɔrow bo nɔgɔn na. Farinya, gerente ni diyagoya te sigi kalandenw da la kanfilajekalan na. Folisen be tulo daamu, ka fari foni, ka hakili dayele.

Filan: Karamogo b'a fε, kalandenw k'u miiri u yere ye, k'u hakilijagabo, ka masalabolo laben u yere ye dalafoli la. Okofe, kalandenw ka kanka sek'u

ka masalabolo dilannen kow waleya, i n'a fε nɔgɔlɔnbo be ke cogoya min na. Kanfilajekalan nafa doye ka kalan ni kodon fara nɔgɔn kan, ka hadamadenya jɔsen bεrebεrew don kalandenw kɔro kabini u denmisenni.

Mahamadu Konta

Dukense sabanan: Kumafalenfalen Furuso kono

Furuso kono, kumafalenfalen ye semejiri ye, min be nɔgɔnfaamuya jiidi, furujɔgɔnw ni nɔgɔn ce. O hukumu kono, wajibi don, ce n'a muso ka nɔgɔn lamen, k'u hakililaw fo nɔgɔn ye.

Ola, u fila be nɔgɔn dafa du dilannina. A man kan fewu, furuso kono, ce ka fen ke n'a muso te min kalama. O be cogo min na, muso fana man kan ka fen ke furuso kono ce te min kalama. Baara bε ka kan ka ke sigikafni daamu kono, furujɔgɔnw ni nɔgɔn ce. Furuso joko numan te se ka sabati, furujɔgɔnw kɔ. U fila ka hakilijagabo, kelenya ni nɔgɔnfaamu kono, o ye hereba ye du kono. O nɔgɔnkanfo ka fisa sanu ni wari ye. Furujɔgɔnw ka kuma-falen-falen be dennadon nɔgɔya, ka tila ka ben sinsin furuso kono. Furuso joli ye jekabaara ye. Ce kelen te se, muso kelen te se. U ye nɔgɔn gese ni nɔgɔn fale ye.

Furuso numan kono, ce ni muso be kuntillenna kelen, naniya kelen, miiriya kelen ani hamina kelen na.

N balimaw, furuso diya na ye kumafalenfalen ye, furujɔgɔnw ni nɔgɔn ce. Nka o kumafalenfalen be ne kosebe kanujɔgɔnya kono.

Lamini Kone
«C.N.R.E.N.F» Bamako.

Jamana ko kɔrow be nini ka tunun

Ko kɔrow caman bilala bolokofe. An y'an ka fen kɔrow bila ka tugu mogɔ minnu kɔ, olu mogɔ kelenw be k'ank'o fen kɔrow ce ka taa n'u y'u fε yen. N'i y'a ye u be taa n'u ye, nafa do de b'u

la. Mɔgo b'i kɔfile fε min na, o ka ni i ne.

Bi - bi in na, bana misen cayara. N'o te fοlο, mɔgo tun mana bana, a tun be kenye ni farafinfurawye. Nka, sisan, bεe kera tubabufuratala ye. Datu, sumala, filen, kunan, foroko olu tun y'an danbe ye fοlο. Nin bεe fijε taara a to kera manatasaw ni najiniw ye. Furudimiw ni bana sidɔnbaliw kera an siginogɔn ye. hali an ka dalilu dumanw wariy'antegelankolonya nin bεe la.

Isa Jalo animateri
don ka bɔ Kodugu, Kati

Poyi: Dugukolo ɔjunanna

Dugukolo be senfilanin ka kewale juguw kasi

Sigida n'a lamini tijeni,

Labilali tile n'a funteni,

Fijε kolonbaw ni tasuma jugu.

Senfilanin, e kera nebaatiye ye.

E taatɔ bεejawale,

E segintɔ bεejawale.

Dugukolo ɔjunanna.

A be mun nini?

Sigiyɔrɔ n'a lamini ka lakana

Jiriw ka turu k'u ladon

Sigida ka saniya

Jantonyerele kɔroko ka ni

Isa Jalo Animateri
don ka bɔ Kodugu, Kati

Jon caman bɔra Farafinna

Tariku dɔnbaaw y'a jira ko Farafin miliyon 12 nɔgɔnna minen a san 1300 ni 1500 furancew la, ka taa bila jonyabaara la Ameriki gun kan. U ka baara fanba tun ye timinkala, kafe, kɔori ani galasene ye.

Jonminenaw taara ni Farafin miliyon 6 ye Ameriki kemesarada la angilew taara ni 40 ye, pɔrotugew taara ni 30 ye tubabuw taara ni 20 ye. Tubabuw ka jɔn minen a ka taa Ameriki o be se Farafin miliyon 1 ani 400.000 ma.

Nin bεe mana fara farafin minnu yεredama ye nɔgɔn mine jonya la ani larabuw taara ni minnu ye kan; jonya ye da digi Farafinna na.

Dokala Yusufu Jara

Sonkuntigi Sasi n'a tɔnɔgɔn dɔw minena

Sasi n'a ka sonyalikulu tun y'u ka sonyalibolo mɔɔnɔ bɔ ka bɔ Bamako ka se fo Sikaso.

Bamako polisiso 3nan konjeninina Musa Jara n'a ka cedenw tara Adama Jakite min be wele kara ani Gɔrɔdɔnsi min Sikaso. Okera sabasu ye marifa miseninw ni kɛlɛkɛmarifa jugu minnu b'an senkñɔ, ne ka sɔrɔ olu sɔrɔcogo la. Sonyalikulu in na, Madu Kulubali n'a be fo a ma Madu Surunnin, ale tun lakodonnen be ni npogotigininw ka gangekɔnɔdiminfuraw bɔlì ye; a minenye mɔgɔ caman kofo. Fen min y'a bila sonyali la, a fɔlɔla k'olakali polisiso 3nan konjeninina Musa Jara ye. Kɔnɔdiminfurabɔ ye tijɛ ye olu ka du kɔnɔ; nka, kabini furabɔla cayara, ni nafa te sɔrɔ a la tuguni, ale ye ko wɛrew fara a bolo kan. Mɔbiliparantiyaw b'o la. Musaka sɔrɔcogo juman sima se ka ke dibɔye Madu Surunninbolo. Ayitoo tiibitaaba la ka Sasi n'a ka mɔgɔw lakodon, fɔlɔ min Dakari janaw. A n'olu ye sonyali dabo. U ye galafeeremangasan do da karimadinekura. Madu Surunnin kelen ye sefawari 150.000 sɔrɔ ka bila a kun. A ye angere caman san k'o ci a ka dugumɔgɔw ma, olu ka dugawu k'a ye. Dugumɔgɔ bɛe farala nɔgɔn kan ka dugawu don Madu Surunnin kelen ye. Ayɛreka fɔla, dugawu minena, sabula, Bakara min tun lakodonnen be kosebe sonkamaleny la Bamako, a n'o ka jekulu sera ka janjo dɔw ke. nɔgɔn fe. Awirilikalo temen in Bakara n'a

tɔnɔgɔn w minena polisiso 3nan kelen in fe. Nka, Musa Jara yere ka fo la, u balal k'a ye o son ninnu be bilala ten fo mɔgɔ kelen. Mɔgɔ si m'a men k'u ka kiiri tigera.

O kofe, Madu Surunnin seginna Sasi ka sonjekulu ma. Tuma min na polisiw y'u min, a yere y'a nini ka fara polisiw kan, a be taa Adma Jakite ka so yoro jira u la Sikaso. Ale de be marifaw ke nɔgɔn kan yen ka bo Kɔdiwari, ka sɔrɔ k'u ci olu ma yan. Madu Surunnin koni polisiw be siga ale kana na tila u la, u ka nege ke a sen n'a bolow la k'a bila u kun Bamako. Polisiw nɛmɔgɔ Lame Keyita ye mɔbili dɔ di Sikasotaa kama. Zuluyekalo tile 17 Musa Jara n'a ka cedenw ani Madu Surunnin sera Sikaso, ka taa bala Adama jakite la Sikaso polisiso fɔlɔ mɔgɔw bolo.

Adama jakite ni Kara ani Gɔrɔdɔnsi 3 bɛe ye Kɔdiwarikaw ye. Waati dɔla, u ye sira da dɔgɔjɔmɔbili do ne ka sugujɔlaw ka nafolow min e u la. Mototigi do y'u ye ka n'u kofo Sikaso polisiso fɔlɔ mɔgɔw ye. Olu taara Adama jakite min, to fila bolila ka n'u jan Bamako. Olu ni Sasi ka min nɔgɔn fe Sonyaniwale dɔ la. Marifaw ni marifikise caman sɔrɔla Adama jakite ka so kɔnɔ. A nɔninkalen u sɔrɔcogo la, a y'a jira ko Kara ni Gɔrɔdɔnsi tun b'u lase a ma; ale dan tun y'u feereli ye. Polisiw y'a nɔninkala ka marifa hake feerelen la Mali kɔnɔ, a ma da kelen fo, nka, o b'a jira ko a la ca.

Fuseni Jara Sanfilii Bamako.

Zenerali Sarali Suwineyi sara

Lamerikenw ka Zenerali min ye mugu jugu fili Nakazaki dugu kan Zapɔnjamana na, a sara utikalo in na san 2004. Kelekepankurun min be wele «B-29», Sarali Suwineyi y'a to o kɔnɔ ka mugu jugu in fili san 1945. A kera sababu ye ka dijɛ forobakel 2nan kuncɛ. A be mugu jugu in fili don min na, a si tun be san 25 la.

Zenerali Sarali Suwineyi sara Bositoni dɔgɔtɔrɔso la k'a si to san 84 na. Dɔgɔtɔrɔw m'a sabana sifɔ mɔgɔ ye fɔlɔ. Sarali Suwineyi y'o mugu jugu

min fili Nakazaki kan utikalo tile 9 san 1945; mɔgɔ 74.000 ni tora o la. A duguje, Zapɔnjamana y'a sen bo kɛlɔ la. Mugu jugu in kɔlɔlɔ mɛennna dugu kɔnɔ, sabula, mɔgɔbonen hake sera 130.000 ma.

Tile 3 sanni Sarali Suwineyi ka nin baara jugu in ke, a tun taara Nakazaki dugu foto ta kelekepankurun «B-20» na. Mugu jugu fɔlɔ min filila Hiroshima dugu kan, o kera n'o pankurun in ye, mɔgɔ 200.000 ni tora o la.

Dokala Yusufu Jara

Sarali Teyilɔri ka nafolosɔrosira bɛe datugura

Jumadon zuluyekalo tile 23 lamerikenw ka jamanakuntigi Zɔrɔzi Busi y'a bolonɔ bila Liberiya jamanakuntigi kɔrɔ Sarali Tayilɔri ka nafolosɔrosiraw datuguliseben na. Sarali Tayilɔrisomogowania teriminnu jera ka nɔgɔgɔleya ke a ka fanga kɔnɔna na, sariyabere in dara u bɛe kun. A yere be yɛrekunkalifayɔrɔ la Nizeriya kabini utikalo san 2003. Mɔgɔ damado minnu kofɔlen file nin ye, u ka nafolo min be Lamerikenjamana na o bɔra u taga la, sɛben min b'u ke lameriken ye o lankolonyana, a nɔgɔnna wɛre te dilan u ye. Jiri donini ka bɔ Liberiya ka don Lamerikenjamana na okonna. Sabula, u be maramafen jugu san o musaka la ka na banbaanciya silakolokolo Farafinna tilebinyanfan fe. Zɔrɔzi Busi masurunnamɔgɔ dɔ ka fo la, sariya in talen don mɔgɔ 28 kama Liberiya n'u ye faso nafolo buruja. O nafolo buruja kelen be ka baara geleya Liberiya cemancerɔfanga bolo ani ka jamana netaa sennasumaya. Marasikalo temen in, jekulu min nɛsinnen don basigi sabatili ma «ONU» kɔnɔ, o tun y'a jira, nafolo ka tige Sarali Toyilɔri n'a jɛnɔgɔn ninnuna. Okelen, Liberiya jiri sanni kɔnɔn mɛkalo tile 6 dijɛ fan tan ni naani na. Segesegelijekulu dɔw sigira sen kan ka nɔgɔya don a kɔne na, fo jiri sahni yamaruyara tuguni. Nka, jen, tɛna ke n'a ye cogo si la Sarali Teyilɔri n'a jɛnɔgɔn tege ka da nafolokantuguni ka gerente sigimɔgɔw dala.

Dokala Yusufu Jara

Bɛe ka kominko ke a sɛbɛ ye

Jamana nɛmɔgɔw, ka fara kunnafonidilaw kan, bɛe ka kominko ke a sɛbɛ ye walasa an ka bɛeje fanga ka sabati ka ke jamanadenw sago ye. Bi, an ka jamana komini hake be 700 ni kɔla. Kunnafoniw dira arajow ni tele la min b'a to mɔgɔ kana joyɔrɔ nini i ni min man kan; an be Ala deli san 5 nata in kɔnɔ, jamanadenw ka here ni lafiya soro. I b'a fo ko kunnafoniw donna tulɔ fan kelen fe ka taa bo tulɔ fan do fe; sabula, komini dɔw nɛmɔgɔsigi kera ka nɔnedinge seni ni kolonkalan ye. Kalanko kɔnɔ te dugutigiya ni tonkuntigiya la, nka, jamana marali ni alimamiya olu te se ka ke kalan ko de!

Musa Sayidu Kane, Bugukɔrɔ la, Kenenku komini na Kulukɔrɔ

Fœrew bolodara Kodiwarikelé dabilali kama

Gana faaba la Akara, «Oteli» min be wele «Palimu Uruwayali Bisi», jumadon zuluyekalo tile 30, san 2004, mögöba caman ye nögön soro yen ka fœrë kuraw boloda Kodiwarikelé dabilali la. O mögöbaw tun ye Mali jamanakuntigi Amadu Tumani Ture, Burukina jamanakuntigi Bilezi Kônpawore, Mali ka kôkankow minisiri, Mukutari Wani, Mali ka kôkan malidenw ani Afiriki ka kelenya minisiri, Umaru Hamadunu Diko, dijë tònba n'o ye «ONU» ye, o némögöba Kofi Anani, Farafinna kelenyatón némögö, Alifa Umaru Konaré, Farafinna tilebinyanfan tònba n'o ye «CEDEAO» ye, o némögö Mohamedí Ibuni Sanbasi, kun te se ka di kuntigi ko ani Kodiwari jamanakuntigi yere, Loran Bagibo. Lajë 5 nögönnä de kera nin kélébanko in na. 2 kera Bamako, 3 kera Akara; min kera Marakusi zanwuyekalo la san 2003 o sen t'o la.

Lajë kuncelen, kunnafoni y'a jira ko kèle be jekulu minnu ni nögön ce Kodiwari, u bëe jenna n'a ye bënkan min temena u ni nögön ce Marakusi o ka waleya; Kodiwari jamanakuntigisigi kécogo sariya ka yéléma; banbaanciw ka maramafenw ka mine u la, goférénaman min sigira nögoya donni kama Kodiwari o ka to a cogo la; fanga ka segin minisirijemögö ma; ani hadamadenw ka hake ka dòn u ye.

A jirala k'a fo ni nin waleya ninnu, bora u sira fe, ben ni lafiya be na Kodiwari kono.

Fen min ye Kodiwari sariyasunba ye, a ninina Loran Bagibo fe yanni 2004 setanburukalo ce, a ka depitebulon yamaruya yéléma ka don sariyasen 35 nan na. O sariyasen in be jamanaden dòw bali k'u kan bo Kodiwari jamanakuntigia nöfe. Alasani

Daramani Watara b'o la.

Sariyasen 35 nan ko : ni mögö min be Kodiwari jamanakuntigya nini, a ka soro a tigi ye Kodiwarika ye, a fa n'a ba fila bëe ka ke kodiwarikaw ye, don si da kelen na n'a tigi ma bo kodiwarikaya la ani n'a ma deli ka ke jamana wëre den ye.

Politikiton minnu be Kodiwari kono, olu y'a jira ko Loran bagibo mana yélémacogo min kofö sariyasen in na k'olu bëna jen n'o ye.

Fen min ye maramafenw bilali ye ani sorodasi dòw farali jamana ka kélécew kan ka tòw labila o baaraw be damine okutoburukalo nata in tile 15.

O la, Loran Bagibo ni minisirijemögö Seyidu Elimani Jara ka kan k'u jija saratinin kono, ka fanga danbe segin a ma jamana fan bëe fe. Fanga seginna minisirijemögö ma, jamanakuntigi k'o ke seben ye ka minisirijemögö ka keta bëe dannatige o kono fo ka se san 2005 okutoburukalo ma, o min be ben Kodiwari jamanakuntigi kura sigili ma.

O ma ke ko balannen ye, Loran Bagibo ni Seyidu Elimani Jara benna o kan kaban. Goférénaman min sigira nögoya donni na Kodiwari kono, ni fanga seginna

minisirijemögö ma, o b'a to, o k'a ka baara nesoro. A jirala k'a fo dögökun kelen nin bënkan ninnu kofö, minisiriw k'u ka laadalatonsigw ke u kécogo la. Kéle be jekulu minnu ni nögön ce, olu yere dara a la k'a fo ben ni lafiya soro man di fo hadamadenw ka hake ka dòn u ye. O la, u y'a jira ko jekulu min sigira Marakusi bënkanw waleyali kama, u bëna u bolo di o jekulu ma, kélé min daminena kabini setanburukalo tile 19 san 2002, fu ka siri o dan na.

A jirala ko «ONU» ka ciden minnu be Kodiwari ani «CEDEAO» ni Farafinna kelenyatón bëna je ka jekulu dë sigi sen kan Akara bënkanw waleyali kôlosili kama. Tile tan ni duuru o tile 15, o jekulu in be laje ke ka baaraw taabolo ke seben ye, dòbe di ONU némögö ma, dòbe di «CEDEAO» némögö ma, dòfana be di Farafinna kelenyatón némögö ma.

Kodiwarikaw bëna u mako bo nin bënkan ninnu waleyali la, i n'a fo u ye Marakusi taw ke cogo min na wa? Dijë seleke naani te tulon na nin sen in na dë, sabula, jamana si te se ka sabati ben ni lafiya ko.

Berema Ture
Dokala Yusufu Jara

Yéléma bëna don Kodiwari sariyasunba la

Sigikafö bëna ke Kodiwari, ka yéléma dòw don jamana taaboloseben na. O yéléma in nesinnendonsariyasen 35 nan ma, o min be Kodiwari jamanakuntigw sigicogo kofö. Jamanakuntigi kura sigi ye okutoburukalo san 2005 ye. Dezire Tagoro min ye Loran Bagibo lkörösigi ye, o ye o kunnafoni in lase Abijan nténendon, utikalo tile 2, san 2004. A labanna k'a jira ko Kodiwarikaw yere dama bëna sigi k'u hakili jagabò jamana taaboloseben kunna, ka ben fen kelen kan. Dezire Tagoro yere ye sariya dònbaa nana ye, kèle be jekulu minnu ni nögön ce olu ye laje min ke Gana faaba la Akara zuluyekalo tile 30 san 2004, a y'i da don o la k'o fesefesë. Alasani Watara min ye Kodiwari minisirijemögö körö ye, sariya 35 nan in b'o bali k'a kan bo Kodiwari jamanakuntigya nöfe. Akara sigikafö senfe u benna a kan ka yéléma don o la yanni 2005 jamanakuntigisigi ce.

Dokala Yusufu Jara

Kupudimali bonni kera

Kupudimali bonni kera nténennndon utikalo tile 16 san 2004 «ORTM» na. Ntolantan tako sabananw na Joliba ni Esitadi be ben, Ereyali ni Ùnanan be ben. Nin ntolatan 2 bëe be ke Modibo Keyita togolantolantankéne na setanburukalo tile 11 san 2004.

Nka, ntolantan tako 4 nan n'o ye kunceli ye, o be ke «26 marisi» ntolantankéne na, setanburukalo tile 19 san 2004. A tun fôra k'ale bëna taa ke Sikaso nka o bora a ma. Mali sennantolantantombé, tun y'a jira a ka laje dësenfë ko kupudimali tako sabananw be ke Kayi ani Segu, a tako 4 nan n'o ye kunceli ye k'o be ke Kenedugu faaba la. Sidi Bekayi Magasa min ye Mali sennantolantantombé ko nénabola ye, o y'a jira ko wariko gelya nana ni yéléma donni ye a kecogo la. Salon, kupudimali tako laban taara ke Moti, nka ninan ta tako sabananw ni laban bëe be ke Bamako.

Joliba ni Esitadi, o ntolantan bëna ke sekilisabasiri ye. U ka cogou kunbenba minnu kera Joliba ye se sësi 15, Esitadi ta kera sësi 16 ye. Joliba ka se soro laban kera zuluyekalo la san 2003. A ye Esitadi gosi o la penalitiw la u deselen ko cogou na ni 2 ni 2 ye. Nin bëna ke Ereyali ni Ùnanan sësi fôl ye ka cogou coss kupudimali tako sabananw na.

Ùnanan min ye Sesika sen bëe kupudimali ntolatan to la, a b'a fe ka se tako laban na Bubakari Sidiki Tarawele ka fo la, i n'a fo u sera yen cogou min na san 1994 ani 1999.

Ereyali ye seko laban min ke tako



Kupudimali

sabananw na o kera san 1997. Ka Kôdiwarikaw ka Lama Banba to u kunna ani ntolantanna ñana minnu b'u bolo ninan, u ni Ùnanan te sangalouye. Sabula, Ùnanan fanta don dumanw na sisani. Ereyali b'a sësi 17 nan n'ofe ntolantantako labanw na. O sësi laban kera san 1997; Ereyali ni Esitadi ye cogou coss o la, o y'a gosi 2 ni 0. A ka se coss laban kera san 1991, a ye Mande gosi 2 ni 1. Ereyali ye kupudimali ta sësi 9.

Salimu Bajaga
Dokala Yusufu Jara

Ntolatanmusow ka kani konni kera

Kafu ye ntolatanmusow ka Kani 4 nan bonni ke alamisadon utikalo tile 19 san 2004. Mali be kulu B la.

Ntolatankulu kuuru ye 2 ye, Mali ni Nizeriya ni Alizeri ani Kameruni be kulu kelen na.

Kulu A jamanaw ye Afirikidisidi ni Gana ni Zinbawé ani Ecopi ye.


Ntolatanmusow ka nin Kani 4 nan in bëna ke Afirikidisidi, Nelson Mandela ka jamana na Hakili Iajigin na Kafu ye Mali ta sabula Kongo Demokaratiki ye walansem. Mali bilala ale no na.

Alizeri min tun ye Mali sen bo a la, u bëna taa kecogo na ntolatankulu kelen na Afirikidisidi Musow ka Kani temenéen in ntola laban tanna Nizeriya ni Kameruni ni cogou coss. A ko tora Nizeriya ta la. Sen in na u fila bëe be kulu B la, o b'a jira ko kulu B ye siranñefen ye ka temé kulu A kan.

Dokala Yusufu Jara

TULON


Nin ja fila dilanbaga y'a dabo a kama ka fili 10 k'u la. A y'olu nini



9 - Numabolo. 10 - Duljibla numante kaman. 1 - Kunisigi. 2 - Bololamnturu. 3 - Manabutelli datugulan. 4 - Manabutelli. 5 - Kunisigal Koori ds. 6 - Ja ds ke Kamankunkan. 7 - Ja ds je jirikun na. 8 - Cekeze.

Jaabwi

Ateni ntolatan : Mali - Itali 0 - 1



Samatasäge "B" y'a seko ke

Danyerela kojugu kera samatasäge « B » ta la fiye ye. Kabini ntolatan ma damine, a tun sebennet don yoro dōw la ko Itali ntolatantōn « Sikuadara Aziwa » bëna Mali gosi. Mohamed Lamine Sisoko ye penaliti min je sanga 32 nan na o na mœn ka lakali, n'o tē, samatasäge « B » ye ntola duman tan italikawfe. Ntolatan in kuntaala janyana fo moɔnjobo yera a la. Seki Umaru Kone ka cedenw binna sanga 116nanwaati.

Celukolosila Seki Umaru Bacili y'i sebekoro · seri ntola nōfē nka, a ma ne min ko o kera. Italiye kuru 1 don. Ntolatan to tolen sanga 4 nōgōnna · ye samatasägeye kuru do je. Untolata nogo koni ye jama ne fa. Sanga ni

waati bëe ORTM jatalaw tun be Gerekwi nisondiyabaatobo, ub'a la ka Mali senkōromadondon. Mali binko min ye nin ye, o ye Farafinna ntolatantōn laban sen boen ye Ateni ntolatanw na. Nin be Farafinna bali ka to ni san 2004 medayi ye Nizeriya kofe san 1996 Atilanta ani Kaméruni san 2000 Sidneyi .

Solomani Bobo Tunkara
Dokala Yusufu Jara

Mohamed Lamine Sisoko ye medayi soro

Samataségew n̄efentolatanna Mohamed Lamine Sisoko, taratadon utikalo tile 3 san 2004 bonya masegin kera a ye san 2003 - 2004 ntolatanw kama. Mohamed Lamine n'a je nōgōn Mali « Esipuwari » be ntolatankalan na Italijamana na, nka, a ka kan ka segin ka taa a ka medayi miné Esipani. Mekalo salen in Mohamed Lamine Sisoko kera maliden kōkanntolatanna fôlo ye ka n̄anaya jyōro soro a ka ntolatantōn ye. Kupuderupu, a kera sababu ye k'o fana lase a ka ton ma. O don, bëe y'a ye dōnke la a tōnogōn cela Mali darapo melenkelen b'a la. Mohamed Lamine Sisoko kera sekasidolon ye don min Espani, o kēnena ni Daramani Tarawele « Iriwalido » fana boli ye Isimayila ntolatantōn na Eziputi. Aleminye Joliba ntolatanna kōro ye, a bëna yéléma « Kulobu afiriken » na Tinizi. O kulobu afiriken degelikaramogó ye samataségew ka degelikaramogó kōro

Hanri Sitanbuli ye. Kunnafoniw y'a jira ko kulobu afiriken nemogowtaara Keri Eziputifaaba la, u ni Isimayila nemogow ka kuma Daramani Tarawele « Iriwalido » yélémani musakako kan. O musaka kera sefawari miliyon 212 ani ba 800 ye. Daramani Tarawele fana be Itali « Esipuwari » fe ntolatankalan na; nka, yamaruya dira a ma a ka taa a ka ntolansében tigenobila Tinizi. Mali ni Tiniziyeteriyantolantan min ke Sifakisi ntolatankene kan, Kulobu afiriken ni Daramani Tarawele ye kumanogonya k'o senfe. Mogo be se k'a fo ko Daramani Tarawele « Iriwalido » ka nin yélémani in sababu numan do ye samataségew ka degelikaramogó kōro Hanri Sitanbuli ye. Tememan Njai min tun be Joliba la, ale fana be Tinizi yen. A be ntola tan « CS » Sifakisi la.

Solomani Bobo Tunkara
Dokala Yusufu Jara

Mali bëna ninan

sorodasintolatan labenw ke

K'a damine desanburukalo nata in tile 1 la ka taa a bila a tile 12 la san 2004, Farafinna sorodasiw bëna njanaya ntolatan na Mali la. Ntolatan in bëna ke a dama na njanajeba ye i'n'a fo Kani 2002 ta kera cogo min na. Depitebulon nemogo Iburahima Bubakari Keyita ni minisiri nemogo Usumani Isufi Mayiga ye baaraw damineni yamaruya, n'o ye sorodasi ntolatan 5nan in labenw ye. Nin ye babugubaara donnent ye Komandan Isa Jalo bolo, Sorodasiw ka farikolonenaje nemogo. Sorodasiw ye ta don forobamugu la; ninan ta in nōgōn ma ke fôlo o ka fo la. Jamana 8 sorodasi ntolatannaw bëna nōgōn soro Bamako : Afrikidisidi, Eziputi n'o ye Misiranjamana ye, Alizeri, Burukina, Gabon, Uruwanda, Lagine (Konakiri) ani Mali.

Modibo Nama Tarawele
Dokala Yusufu Jara

Ntolantanna Sanba Jawara

Sanba Jawara ye samataségew kofemogo do ye. Kabini Kani 2002 temena, ntolatantōn min be Faransi n'a be wele « C S » Luwansi Kuwizo Sanba Jawara taara o la. Fueyini Jawara ni Abudulayi Jawara, olu köröké don. Linan, sanba Jawara y'a bolono bila san 2 ntolatansében na a ni Beliziki jukonontolantantōn min be wele « ATC » Tubizi ni nōgōn ce. A bëna taa fara a balimake Abudulayi Jawara kan ntolatan na Belizikijamana na. Abudulayi Jawara be ntolatan na Sénior, ale yere bëna taa a damine Luwansi Kuwizo.

Dokala Yusufu Jara

« AMAP » kuntigi
Solomani DARABO

Malik Kanw kunnatoniseenw

baarada kuntigi

Nanze Samake

Kibaru

BP : 24 Telebni : 221-21-04

Kibaru Buguiye Bozola

Bamako - Mali

Seberbagaw kuntigi

Badama Dukure

Seberdjekulu

Maharram KONTA Dokala Yusufu

Jara, Badama Dukure

Labuguriye Kibaru oafedilanbaarada

Bolen Hake : 16 000